

Hilberner Rud

Rudenkirtag Sierning Faschingdienstag 13.2.2024



<p>Wir Hübinga sogn Hallo San am Kirda wieda do Uns woa e scho ongst und bong Immer woa irgendwer kronk Don is nu dazua passiert Da floar mitn kastl kollidiert. Oans des is sicha gwiss Dass ohne uns koa Gaudi is</p>	<p>Beim Troxl in Hüban draust Woas ma, is a christlichs Haus Marlene auf Maturareise Woa christlich auf ihre weise Veranstoiater dahoam augruafm Se dan de Marlene suachn Zum Glück is nix passiert Hod von an Buam in Segen griagt</p>
<p>In Pesendorf hods brennd D´hübinga Feiawehr kimt grennd Aufbaut haums ruck zuck Überd stross a Schlauchbruck Drübabrennt mit voin Hurra vom Kommandant, d´Angelika Oans hauma si dabei docht Obs überoi so drüberkrocht?</p>	<p>Vom Lehner Hans, a Foto gmocht Auf dem hod er goa ned glocht Sei Gsicht war do ned zum seng Nurs Auto mit Kennzeichen Statt siebzieg hundertfierzieg gfahrn Deswegn in Führerschein verlorn Derf 4 Wochn ned autofahrn Duad jetzt dafiar s´zwoafache schwuam</p>
<p>Im Forsthof is uns aufgfoin Das zwoa Bekannte Gsichta föhn Dutzler Anita- ohne frogn Fürn Baumi kellnert- Tringa trogn Wias min Reini verrechnt hätt Hods nix griagt- so a gfrett Do siacht ma das nix Wird Wann unter Wirt, verrechnet wird</p>	<p>Da Strügi Franz werna kennd Hod a Malär ghobt mit de Zähnd Dahoam woa koa Auto frei Wia ah foan woit, noch Stei (Steyr) Er is dann gfoan zum Zähnedoktor Mit sein Stey_ra Traktor Anscheinend wern bei de Gwissn De Zähnd mit da Hydraulik grissn</p>
<p>Über unsa Musiheim Loss ma´s singa liaba bleim Sudan dan Oide und Junge Kunstwerk schiach- Fassadn zdungi Doch uns is des echt egal Is unsa Proben-lokal De meisten wos do trenzn San jo söba net de schenstn</p>	<p>Da Stepan Adi, hauma erfoan Is zan jagern eiglohnd woan Bledaweis woa überoi An den Tog, ah Stromausfoi Ohne Strom koa Bankomat Ohne Göd beim Jogdschluss fad Das er si ned blamiert beim saufen Is er ums Göd zur Mama glaufen</p>
<p>Da Lehner Sigi, der fesche Mann Geht´s jetzt a wengal ruhiga an. Vom Ruden singa hod er gnua Legt si a aundas Hobby zua Manch Hosen hod er scho segiert Drum wird des Jagern jetzt probiert Wann er so schiast wie er singt Er sicher nie an Rehbock bringt.</p>	<p>Anna Maria Ganglbauer Is jetzt Bezirksbäurin mit Power Bei dem Amt schauts a guad aus Wann ma hod a Bauernhaus Papa Fred hod glei ans kauft Die Renovierung a scho lauft Wann dAnna moi Jägerin wird Wird in a Eigenjogd investiert</p>

Da Jungwirt Hansi hods probiert
Mit zwoa Hänger s´Troad vafiat
Dunkle Wolken san aufzogn
Und koa Planè am Hänger drom.
Die Fuan san nos und schwara woan
Bergauf dann stehad worn der Goam
Da Jungwirt maht und Troad vafiat
Is fix das dann glei rengad wird

Da Strossmoa Hubi und sei Frau
Haum a Firma fürd PV
A Lieferung woa moi ned ohne
Versehtlich a fuhr kondome
Ois neicha jogdchef er sie denkt
De wern jetzt im Revier verwendet
San wo zvä hosn oder reh
Griang de jetzt gratis kondome